

商邱縣志

06 3
HARVARD COLLEGE LIBRARY
FROM THE
HARVARD-YENCHING
INSTITUTE
SEP 30 1928

Ch L 3145.0272.81

商丘縣志卷之七

恩例

哈佛大學
哈佛燕京
圖書館
珍藏印

宋古世臣多名卿而國學則儲材之大區也明世重
甲科胄監與三舍並燿識者每嘆其途之隘今代
大破拘攣盡斥勝朝資格公卿節鎮半出世胄而
監司牧守能助邊助役者徑以白衣從事其中翹
材瑰品繁無其人而猥以膏粱貴客槩之乎况商
邑以任子起家者文章政術已蔚然一代名臣而
乘時就例輩亦多懷文抱質彬彬碩彥也別立恩

例一表與科甲相頡頏庶見 國家立賢無方之意云

恩廕

漢

桓郁 太常榮子有傳

桓焉 太常郁子有傳

宋

許宗壽 侍郎驥子父卒

特賜出身 官殿中丞

李虞卿 參知政事 昌齡

子試將作 監主簿

王欽臣 學士洙子用廕

入官復舉 進士有傳

明

潘珩 侍郎禮子 東城兵馬

司指 揮

沈埭 少保大學士鯉嗣子

官生

已仕例選

張絡 任北直曲陽主簿沙

河博野二縣縣丞舊志稱其歷

官十年家 徒四壁

許瑋 陝西岷山知縣

未仕例選

沈黠

侯恒 殉難

沈誠 殉難

徐纘武 殉難與叔作霖同傳

恩例

沈堦 鯉從子尚 侯天祐 陝西西 李潮

沈坪 鯉從子仕判 張涵

卿 張環 順天府 孫佃

沈堦 鯉從子仕 沈麟 少保大學 沈佃 殉難

外 沈堦 至戶部員 書舍 人 宋枏 有傳

沈誠 鯉從孫中 沈陞 鯉從子 沈訓

沈詒 鯉從孫 沈邦輔 鯉從子 孫化

沈試 鯉從孫仕理 侯執羔

衡司郎中 沈文 鯉從子鴻 侯悰

沈誌 鯉從孫中 沈譯 鯉從孫禮 沈諗 殉難

沈倖 王午殉難 沈諤 鯉從孫鴻 侯方來

沈仔 鯉族曾孫 沈議 鯉從孫中 侯執瞿

廣西府知府 沈士翹 鯉從孫 李知務

王午殉難 宋治 尚書縹子名府 侯方聞

員 劉樹 文華殿中 沈墩 殉難

宋杭 縹孫仕至傳 侯執中 光祿寺 張我翼 壬午罵賊

郎 侯魏 太常執蒲難有 侯執中 署丞殉 父子遇害

侯魏 子又改名傳

怵官生別見拔貢

侯慄 武英殿中書舍人

侯駿 尚書恂孫官生

侯忻 文華殿中書舍人

葉元滋 總督侍郎廷桂

沈譔 鯉從孫中書舍人加

子錦衣衛正千戶有傳

禮部儀制司主事

田國頼 通政使珍子壬

楊濬之 魯府長史

午殉

田欄 京衛經歷

周垣 尚書士樸孫官生

本朝

宋犖 大學士權子初授侍

劉動 任武安教諭遷浙江

宋森 大學士權從弟州同有傳

衛改任湖廣黃慈谿知縣有傳

田國永

藩院院判歷刑部員外郎中出

侯鐸

為通永道僉事

陳潤采 偃師教諭

曹嘉稷

江蘇布政使擢

侯重喜 任溫縣教諭遷

侯方綬

御史巡撫江西

今改撫江蘇

蕭啟禎 尚氣節好施予鄉人

宋起 工部郎中推服侯方

宋炳 權子授中閣中書舍人遷

侯方平

吏部稽勳司主事歷本

侯曉

事改戶部遷廣中陞貴州威甯

宋之璽

工部虞衡司
郎中有傳

東兗道

侯方揆

宋炆權子以候

陳宗石

任山西

張愨

書中辛酉順

丞遷北直安平

劉德培

有文學見父伯愚傳

天鄉舉有傳

縣知縣以廉能

侯勤

高拱樞

總兵第保舉入為戶部

陝西司主事

葉元洽

以上俱係先年例貢

高拱弼第子世襲二等

劉聖濟

歷昨城

太學職

阿達哈

縣教諭遷山東

戚尙睦

中書

趙衍祥提督應奎子以

吳順

都督友名

宋如金

保定同知

文出首逆書功安知

彭嘉問

京職

卿仕至大理寺少卿

葉增奕

歷廣西

陳琬

教諭

趙衍禧應奎子

江嚴州二

朱鑣

州府同知

宋超

任禮部司

曹克家

教諭

務仕至刑部郎中

葉增固

國子監典簿

宋學

中書炆子

李尙隆

翰林院

遷知縣

侯方至

理藩院

吳灝

都督友名

楊增

兵馬司

縣知

侯最

知縣

吳頤

都督友名

宋之陞

知縣

大寧知縣遷陝 楊墳教 燕景召

今起山東濟 田有龍 侯肅

南府同知 宋之塾 侯泉

宋基 巡撫犖子 侯曦 宋鑰

府同知 有傳 侯會 楊垣

曹崑 通判大生 盧應麟 周垢

教諭遷 侯會 楊垣

知縣 宋熾 任伊陽教 鄔惟舜 宋錫

府教授經明行 田嶷 孫鏡

修士林矜式 周振 李鼎新

彭宸淥 任山西 周振 李鼎新

丞遷廣西遷江 張我任 陳杰

知縣改調思恩 葉增璋 宋之壩

葉增英 江南通 喬依 張丹書

判 劉兆昌 孟津 李秀圖 李原白

劉世沛 尉氏 李養心

劉德至 任滎陽 侯凝 宋蘇

江南上 元知縣 馬銓 史抱略

宋致 巡撫犖子 楊始智 楊坤

司僉事 葉增做

宋之瑀 戶部山東司主事 劉錫履 張實

張大容 詹道燦

宋鈴 孟縣教諭 李和鎧 沈珪

張乃知 郭世榮

宋吉金 臨潁教諭 于大千 萬物華

汪中圖 李尙志

李鎬 侍講目孫 梁棟 魏之祿

宋鎰 永寧教諭 劉繼中 申瑾

徐成猷 馬有麒

宋帶金 盧氏教諭 馬若麟 陳履中

府知 以上俱

陸永言 知府鍾 田于莘 沈瑞

川叙州 侯方伯

李存 侍講日子 以上俱

遷四川 范時震 范時臨

王書年 彰德府 李之桂 王思興

王澤源 祥符 汪經 李達

馬之珍 山東德 王道增 田璽

賈復慶 涉縣訓導 張灝 咎朝賓

吳應豫 江南松江府通判 沈淙 楊瑞寧

吳應濟 四川筠連知縣 吳應泰 于濱

殷士舉 理藩院知事 鄔桓 盛永建

張天宿 周桂

何光 鄔朴

張會 劉銘鼎

陳帝階 張祐

朱繼 李尙賢

田子明 趙宜 陳瓚

袁秉欽 宋文堅 鄭鑰 朱鉦

宋文堅 張正脉 唐紆

宋文堅 賈鑑 賈宁琮

宋文堅 趙琇 李爲禎

宋文堅 徐時行 崔研

宋文堅 陳楫 李鈞

宋文堅 侯維翰 唐符

宋文堅 劉丕忱 徐霖

呂英 徐元禎 崇禎縣丞

侯眺 主簿

夏賢 吏目

未考職貢監 附

孫帝錫 畢維極 孫來斗 孫龍文

宋 鉉 徐世際 侯 兢 葉元滙

侯 慈 劉錫履 徐世徵 侯 諭

袁象震 宋之型 孫來奎 劉德載

田于邵 沈 琨 徐克勝 孫來翼

侯方履 董思謙 劉弘謨 侯肩學

葉維桓 宋獲沐 劉錫嘏 陳履平

葉增煥 見伯父元滋傳 葉增琰 葉增敕

朱象賢 徐逢年 徐時衡

武科

武舉之科自昔有之而從不麗之學校武科之麗
 學校自 本朝始夫武士而從學校出之期之者
 至矣商邑在明之世已有登武科者而 本朝尤
 盛今表其姓名於左以見令甲之竝重云

武進士

武舉 已中甲者
 不重錄

明三十八年

嘉靖

壬辰十七年

盧應亮

探花山西北樓

王十平

將口參京

戊十七年

龔卿

歸德衛指揮同知

巳未三十八年

盧猶龍

貴州授黔都司

劉應紹

浙江都司僉書

僉書

中甲香

隆慶

胡琳

辛未五年

本

萬曆

常三畧

陝西蘭州參將

丙子四年

盧應期

甲午二十二年

謝彩中

戊午四十六年

梁天命

解元

李攀龍

史懋明

崇禎壬午以守城殉難祀忠烈

崇禎

田有慶

乙亥同父戰賊而死

丙子九年

馬趨

教諭馬敬子壬午亦以守城被害

張靖邊

張之琛

王永祚

鄭其身

盛坪

劉信生

豐豫

曹錡

本朝

順治

辛卯八年

傅廷策
吳極
劉夢龍
趙乘

能邦芳
呂奇方
甲午

解元江南建
陽衛守備
楊文煒

梁岱
陳宗器

侯萬里
朱羆

壬辰九年

周琬
仕至廣東
鎮標遊擊

有傳

田雨公
德州衛
守備

田雨金
湖廣寧
遠衛守
備

崔文明
江南泗
州衛守
備

姚典
初選待
衛出為
福建

泉州
都司

楊祺
仕至浙
江掌印
都司

乙未十二年

十四年

十五年

南

卷之七

三

武科

丁酉十四年
戊戌十五年

有傳

張宋

葉逢時

王之翰

王之屏

薛勳

趙名臣
江南蘇州衛守

翁爾莛
元解

王重祿
任浙江盤石衛
張光有
朱旺

庚子十七年

備
兩公

陳龍

辛丑十八年

守備仕至福建督標參將

孫中一
樂亭守備

劉超鳳
夏邑籍福建沼
李文生

安營守備
殉難有傳

康熙

癸卯二年

鄒之壁
田作霖

田有耕
劉大猷

徐知止
北直杜勝營守備

李永固
田業弘

丙午五年

常標
李則堯
安弘基

田九功
田在野

趙行慶
總兵應奎子浙
江金華協守副

侯方建

田在中
吳貢
都督友名

子見
父傳
王鳳來

張禔
楊廷儀

周鋌
田覺秦

巳酉八年

庚戌九年

劉官統
守備超
子今任
孟發
朱式玉
江浙

陝西寧夏總兵
官都督同知
干總

余應徵
時天健
四川

把總
田國輔

王貫三
汝州
干總
劉禎

張坦
江南
干總
薛天翼

蕭闓
田祺

侯哲
貢生
域子
侯枚

趙纁
皇甫班

乙卯十四年

丙辰十五年
庚午十七年

田穗
江南徐州衛守備

劉烈

皇甫班
元解

董度越

胡可佩

葉增培

張裕
天津城守遊擊

趙琮

楊斌

巳未十八年

趙廣
福建撫標中軍守備

楊世威

李龍文

呂元振

戊子二十一年
甲子二十三年

李朝幹

田橋

朱之俊

王承恩

乙丑二十四年
丁卯二十六年

王子節

史策

潘澎

燕士選

沈治之

田積

侯萬吉

張文惺

張士英

戊辰二十七年顧瑛

陳爾猷

癸酉三十二年

戚倓

楊培

賈之翰

李琨

己卯三十八年

顧愷

范弘度

壬午四十一年

沈德蘊

郭士焯

郭明遠

賜封

朝廷自一命以上皆得疏恩以及其親此先王教忠于孝之意也商邑賜封古無者可紀自明始而

明

徐彰承達父贈承直郎右春坊右中允

李温熙父贈承德郎工部虞衡司主事

孟景瑛父封承德郎吏部文選司主事贈奉政大夫

戶部陝西司郎中

衛整鎮父封文林郎監察御史

姜海承父封文林郎監察御史

周序弘父贈奉政大夫慶府長史

潘得林禮祖贈嘉議大夫工部左侍郎

潘忠禮父累封至中憲大夫通政司右通政贈嘉議

大夫工部左侍郎

徐俊晟父贈文林郎順義縣知縣

李才興瑑父累贈至奉直大夫鴻臚寺右少卿

徐敏琰父贈徵仕郎留守前衛經歷

范寧愈父贈徵仕郎燕山前衛經歷

賈恭時父封中憲大夫陝西按察司副使

沈忠潮父贈承德郎禮部祠祭司主事後以曾孫鯉

貴累贈至少保文淵閣大學士

沈瀚福建建寧知府以孫鯉貴累贈至少保文淵閣

大學士

沈杜鯉父封翰林院檢討徵仕郎累贈至少保文淵

閣大學士

李芳嵩父封徵仕郎中書舍人贈奉直大夫兵部武

庫司員外郎

朱壽家相父贈文林郎大名府推官

曹楫代蕭父贈中憲大夫永平府知府

楊禮栢祖贈中大夫湖廣布政司右叅議

楊淵栢父累贈至中大夫湖廣布政司右叅議

張寧道充父封文林郎句容縣知縣

喬舉巖父累贈至奉直大夫禮部儀制司員外郎

楊景道楫父贈文林郎金鄉縣知縣

胡瑩子田父贈文林郎直隸太平府推官

沈縉祖累贈至資政大夫戶部尙書

宋霓纁父累贈至資政大夫戶部尙書

宋洪杭父贈奉政大夫南京戶部郎中

沈鮪域父封文林郎直隸灤縣知縣

沈魯坪父贈奉直大夫尙寶司卿

沈詩仔父封徵仕郎中書科舍人

沈鱗墀父封徵仕郎中書科舍人

侯進執躬執蒲祖累贈至通議大夫太常寺卿

侯瑀執躬父累贈至通奉大夫四川左布政使

侯璣執蒲父恂恪祖累贈至通議大夫兵部右侍郎
資治尹

葉如蘭廷桂祖累贈至通議大夫都察院右副都御
史

葉呈春廷桂父累贈至通議大夫都察院右副都御
史

田經珍祖累贈至通議大夫南京通政使司通政使
田賓珍父累贈至通議大夫南京通政使司通政使
楊倉名時父封文林郎樂安縣知縣

周鳳士樸祖累贈至正議大夫戶部右侍郎

周大賚士樸父累贈至正議大夫戶部右侍郎

本朝

宋賜權祖累贈至資政大夫內翰林國史院大學士

宋沾權父累贈至資政大夫內翰林國史院大學士

李詡目父贈文林郎內翰林國史院編修

陸吉鍾呂父贈奉政大夫戶部陝西清吏司員外

李幹長培茂父贈文林郎莘縣知縣

葉元渥增奕增英父贈承德郎浙江嚴州府通判

田欄雨金雨公父贈明威將軍

朱煦光宗父贈奉政大夫陝西延安府同知

商邱縣志卷之八

聖跡

孔子殷人也當為宋人物之首孟子嘗在宋也當為宋流寓之首然以大聖大賢雜入于諸品之內母乃迂而褻乎而孔孟之過化不可忘也因著其所自出及遊宋之槩以先人物諸篇

孔子本宋人宋公微子之後自孔父有華督之難其子木金父奔魯木金父生畢夸畢夸生防叔防叔生伯夏伯夏生叔梁紇叔梁紇生孔子敬王二十

商邱縣志 卷之八
四年自衛至宋二十五年自宋適陳過匡至二十
八年去曹適宋與弟子習禮大樹下今城東南文
雅臺相傳卽其故處

孟子軻騶人也學于子思之門人得其道遊于齊梁
齊梁之王雖不能用亦敬禮之嘗在宋與戴不勝
論薛居州與戴盈之論什一之賦關市之征滕文
公爲世子時聞其名自楚往反皆過宋見孟子孟
子與言性善之說文公悅之敬禮有加今郡城北
門有性善祠故址相傳爲文公見孟子處

先賢

仲尼之徒羞稱五霸德行具而事功不足道矣洙
泗之士三千而有名籍者不過數十人而宋得其
二足爲邑人光矣故以冠于諸品

司馬耕字子牛宋大夫向魋之弟魋作亂入于曹以
叛宋宋景公使左師向巢伐之巢不能克魋奔衛
巢奔魯司馬牛致其邑與珪焉而適齊魋出于衛
地求夏后氏之璜與他玉而奔齊陳成子使爲次
卿司馬牛又致其邑而適吳吳人惡之而反卒于

魯郭門之外阮氏葬諸丘輿

原憲字子思宋人憲居環堵之室茨以生蒿蓬戶甕牖上漏下濕匡坐而絃歌子貢乘肥馬衣輕裘中紺而表素軒不容巷而往見之原憲楮冠藜杖而應門正冠則纓絕振襟則肘見納履則踵決子貢曰嘻先生何病也憲曰憲聞之無財之謂貧學而不能行之謂病憲貧也非病也若夫希世而行比周而友學以爲人教以爲己仁義之匿車馬之飾衣裘之麗憲不忍爲之也子貢慚不懌而去終身

耻其言之過也

名臣

宋多君子爵位通顯勲庸爛然而光昭史冊者代不乏人拔其尤者以示軌範然人才大小今古勢殊審量品望以後人配前人未能較若畫一者限於時也論世君子自能辨之

周

正考父弗父何曾孫也佐戴武宣公三命滋益恭故其鼎銘云一命而僂再命而偃三命而俯循墻而

走亦莫敢余侮。饋於是粥。於是以餽余口。目夸字子魚。宋襄公庶兄。初桓公疾。襄公爲太子。固請曰。目夸長且仁。君其立之。公命目夸。目夸辭曰。能以國讓仁。孰大焉。臣不及也。且又不順。遂退而避焉。襄公既立。使目夸爲司馬。未幾。鄆子會盟於邾。公使邾人執鄆子。用之于次。睢之社。以屬東齊。目夸曰。古者六畜不相爲用。小事不用大牲。而况敢用人乎。祭祀以爲人也。民神之主也。用人其誰饗之。今將以是求霸。不亦難乎。公納其言。

樂喜字子罕。宋戴公之子。平公三十年。左師會諸侯。以偃兵爲名。及會歸。而請賞。公與邑六十。子罕曰。天生五材。民並用之。廢一不可。誰能去兵。兵之設久矣。所以威不軌而昭文德也。而子求去之。不亦誣乎。以誣道蔽諸侯。罪莫大焉。縱無大討。而又求賞。無厭之甚也。左師辭邑。士尹池爲荆使于宋。子罕止而觴見南家之墻。擁于前而不直。西家之潦。經其宮而不止。問其故。曰。南家工人也。業鞮。使徒之。恐人不知其處。不獲食其業。西家高而利吾宮。

之卑故不禁也士尹池歸荆荆王適欲興兵攻宋
因諫曰宋不可攻也其主賢而相仁楚遂釋宋
樂祁犁字子梁子罕孫爲宋司城元公十五年魯叔
孫婁聘于宋宋公享昭子賦新宮昭子賦車轄明
日宴飲酒樂宋公使昭子侍坐語相泣也樂祁犁
佐退而告人曰今茲公與叔孫其皆死乎吾聞之
哀樂而樂哀皆喪心也心之精爽是謂魂魄魂魄
之去何以能久是歲冬十月叔孫婁卒十有一月
宋公卒於曲棘公之卒年公三十一

漢

灌嬰睢陽人嘗以販繒爲業從高帝起豐沛兵以中
涓擊破秦軍賜爵五大夫後伐秦滅項俱能力戰
疾鬪累立大功定天下封穎陰侯高后崩與周勃
等共平諸呂迎立文帝進太尉右丞相卒謚懿侯
樂布梁人彭越爲家人時常與布遊窮困賣庸於齊
爲酒家保又爲人略賣爲奴於燕爲王家報仇燕
將臧荼舉以爲都尉漢擊燕擄布時彭越已爲梁
王贖布爲梁大夫越被誅詔曰有敢收視者捕之

布從齊還哭尸下吏捕以聞上召布罵曰若與越反耶趣烹之布顧曰願一言而死上曰何言布曰方上之困于彭城敗滎陽成臯間項王所以不能西徙以彭越居梁地與漢合從苦楚也當是時一顧與楚則漢破與漢則楚破且垓下之會微彭越項氏不亾天下已定彭越剖符受封意欲傳之萬世今陛下以苛小案誅滅之臣恐功臣人人自危也今彭越已死臣生不如死請就烹于是上迺釋布罪拜爲都尉孝文時爲燕相至將軍布迺稱曰窮困不能辱身下志非人也富貴不能快意非賢也于是嘗有德者厚報之有怨者必以法滅之吳楚反時以功封酈侯後復爲燕相燕齊之間皆爲立社號曰樂公社

申屠嘉梁人以材官蹶張從高帝擊項籍遷隊長累功至淮陽守孝文立封關內侯遷御史大夫代張蒼爲丞相封故安侯嘉爲人廉直不受私謁是時鄧通方愛幸賞賜累巨萬丞相入朝通居上旁偃蹇丞相奏事畢因言曰陛下幸愛羣臣則富貴之

至于朝廷之禮不可以不肅上曰君勿言吾私之
罷朝坐府中爲檄召通通恐入言于上上曰汝第
往吾使人召若通至徒跣謝嘉坐自如不爲禮責
曰夫朝廷者高皇帝之朝廷也通小臣戲殿上大
不敬當斬吏令行斬之通頓首出血不解文帝度
丞相已困通使使特節召通而謝丞相曰此吾弄
臣君釋之乃免通通見上泣曰丞相幾殺臣景帝
初晁錯爲內史貴幸用事法令多所請變嘉見錯
所言不用疾錯因錯穿宗廟垣奏請誅錯上不聽
罷朝嘉謂長史曰吾悔不先斬錯乃請之爲其所
實至舍歐血而死謚節侯

韓安國字長孺睢陽人嘗受韓子雜說騶田生所事
梁孝王爲中大夫吳楚反時孝王使安國及張羽
爲將扞吳兵于東界張羽力戰安國持重以故吳
不能過梁吳楚破安國張羽名由此顯梁梁王景
帝母弟竇太后愛之故出入遊戲僭于天子天子
聞之心弗善也太后知帝意迺怒梁使者弗見而
韓安國見大長公主而泣曰何梁王爲人子之孝

爲人臣之忠而太后曾弗省也前日吳楚七國反
自關以東皆合從西向惟梁最親爲艱難念太后
帝在中而諸侯擾亂一言泣數行下跪送臣等六
人將兵擊卻吳楚吳楚以故兵不敢西而卒破亾
梁王之力也今太后以小節責梁王梁王恐日夜
啼泣不知所爲何梁王之爲子孝爲臣忠而太后
弗恤也大長公主以告太后太后喜爲帝言帝心
乃解待梁王益親厚其後安國坐法抵罪獄吏田
甲辱安國安國曰死灰獨不復燃乎甲曰燃卽溺

之居亡何梁內史缺漢使使者拜安國爲內史田
甲亾走安國曰甲不就官我滅而宗甲肉袒謝安
國卒善遇之孝王求爲太子用公孫詭羊勝計刺
漢謀臣及殺故吳相爰盎景帝遣使捕詭勝等不
得漢使十輩至梁舉國索之安國聞詭勝匿王所
乃入見而泣曰大王無良臣故事紛紛至此今詭
勝不得請辭賜死因進諫譬曉王百端王乃悟出
詭勝詭勝自殺漢使還報梁事得釋皆安國之力
也孝王薨復坐事失官武帝立召爲北地都尉累

遷御史大夫病免數月復爲中尉徙衛尉爲材官將軍屯邊擊匈奴功忽忽不樂毆血而卒

桓鸞字始春龍亢人太常關內侯榮孫榮詳儒林傳鸞少立操行褊袍糟食不求盈餘以世濁州郡多非其人耻不肯仕年四十餘時太守向苗有名迹乃舉鸞孝廉遷爲膠東令始到官而苗卒鸞卽去職奔喪終三年然後歸淮汝之間高其義後爲已吾汲二縣令甚有名迹諸公並薦復徵辟拜議郎上陳五事舉賢才審授用黜佞倖省苑囿息役賦

書奏忤內豎故不省以病免靈帝中平元年年七十七卒于家子羣見卓行傳

桓典字公雅榮六世孫以尙書教授潁川門徒數百

人舉孝廉爲郎無幾會國相王吉以罪誅故人親戚莫敢至者典獨棄官收斂歸葬服喪三年負土成墳爲立祠盡禮而去辟司徒袁隗府舉高第拜侍御史是時宦官秉權典執政無所廻避常乘驄馬京師畏憚爲之語曰行行且止避驄馬御史及黃巾賊起典奉使督軍破賊還以忤宦者賞不行

在御史七年不調靈帝崩大將軍何進秉政典與同謀議三遷羽林中郎將獻帝卽位三公奏典前與進謀誅閹宦功雖不遂忠義炳著詔拜家一人爲郎賜錢二十萬從西入關拜御史中丞賜爵關內侯復遷光祿勳以卒

橋立字公祖梁國睢陽人七世祖仁從同郡戴德學著禮記章句四十九篇號曰橋君學成帝時爲大鴻臚祖基廣陵太守父肅東萊太守立少爲縣功曹時豫州刺史周景行部到梁國立謁景因伏地

言陳相羊昌罪惡乞爲部從事窮案其事梁冀爲馳檄救之景承旨召立立還檄不發案之益急昌坐檻車徵立由是著名舉孝廉補洛陽左尉後累官拜尙書令元和元年遷太尉拜大中大夫六年卒時年七十五立性剛急然謙儉下士子弟親宗無在大官者及卒家無居業喪無所殯當時稱之立子羽官至任城相初曹操微時人無知者嘗往候橋太尉太尉見而異焉語曹曰今天下將亂安生民者其在君乎曹常感其知己後經太尉墓輒

悽愴致禱自爲文祭之

唐

魏元忠宋城人爲太學生跌蕩少檢久不調整厓人江融曉兵術元忠從之遊盡傳所學儀鳳中上書言命將用兵之要高宗善之授秘書省正字遷監察御史帝嘗問曰外以朕爲何如主對曰周成康漢文景也上曰然則有遺恨乎曰有之王義方一世豪英而死草萊議者謂陛下不能用賢帝曰我適用之顧其死無及耳元忠曰劉藏器行副其才

陛下所知今七十爲郎徒嘆彼而又棄此帝默然慙遷殿中侍御史徐敬業舉兵武后詔元忠監李孝逸軍擊之還授司刑正遷洛陽令爲周興所陷坐死原平揚楚功減流歲餘拜御史中丞復爲來俊臣所構將就刑被赦流費州後復爲中丞又爲侯思止所陷仍放嶺南及諸酷吏誅死乃復官聖曆二年拜鳳閣侍郎同平章事俄遷御史大夫兼檢校洛州長史張易之家奴暴橫元忠笞殺之權豪憚服俄爲隴右諸軍大使又爲靈武道行軍大

總管中宗在東宮爲檢校左庶子時二張勢傾朝廷元忠嘗奏曰臣承先帝之顧且受陛下厚恩不能盡忠使小人在君側臣之罪也太后不悅由是諸張深怨之因武后不豫共譖元忠與司禮高戩謀挾太子爲耐久朋遂下制獄昌宗引張說爲證說初僞許之旣而極辨其誣太后悟而重違二張意貶元忠爲高要尉元忠辭曰言于太后曰臣老矣今向嶺南十死一生陛下他日必有思臣之時太后問其故時易之昌宗皆侍側元忠指之曰此

二小兒終爲亂階易之等下殿叩膺自擲稱冤太后曰元忠去矣中宗復位復召爲相進侍中封齊國公武后崩帝居喪軍國事委元忠裁可神龜二年爲尙書右僕射謁告上冢詔宰相諸司長官祖道上東門賜錦袍給千騎四人侍賜銀千兩及還帝爲幸白馬寺迎勞之後節愍太子起兵元忠實與其謀太子死宗楚客等請誅元忠不聽元忠上政事詔以特進齊國公致仕而姚廷筠袁守一等執奏不休乃貶渠州司馬再貶務州尉行至涪陵

卒年七十餘睿宗詔陪葬定陵開元間謚曰貞
鄭惟忠字懷蓋宋城人第進士補并陘尉天授中以
制舉召見廷中武后問舉者何所事爲忠對皆不
合旨惟忠曰外揚君之美內正君之惡后曰善擢
左司禦冑曹參軍事中宗立擢黃門侍郎時議禁
嶺南戶不得畜兵惟忠曰善爲政者因其俗且吳
人所謂家鶴豚戶犀渠此民風也禁之得無擾乎
遂止進大理卿節愍太子敗守衛誣誤皆流已決
諸韋黨請悉誅之帝欲改推惟忠奏大獄始判復
改訊恐反側者不自安且失信天下詔百司參議
卒論如前所全貸爲多俄授御史大夫持節賑給
河北道且許黜陟守宰還奏稱旨封滎陽縣男遷
太子賓客卒贈太子少保

宋

戚綸字仲言同文子同文見隱逸傳少與兄維以文
行知名太平興國八年進士知太和縣爲諭民詩
五十篇知青州發公廩以賑餓殍全活甚衆歷拜
右正言龍圖閣待制疏陳十事上爲嘉獎建議修

釋奠儀頒天下立常平倉以平民糴皆從之擢樞密直學士改太常少卿分司南京卒年六十八綸薦于古學善談名理喜言民政事兄縉友愛甚厚交遊以信義著稱樂于薦士每一奏十數人皆當時知名士平生儉約既沒家無餘貲贈左諫議大夫子舜賓官太子中舍舜臣仁宗時通判濮州時王則反濮民相驚幾亂舜臣斬一人擢濮中者驚乃止後官虞部郎中

楊大雅字子正唐尚書楊虞卿之後虞卿四世孫承休仕吳越錢俶歸朝楊氏挈其族北歸宋州遂爲宋州人素好學進士及第除新息鄆陵二縣主簿改光祿丞知新昌縣歷太常博士直集賢院後以兵部郎中知制誥居二歲拜右諫議大夫口集賢院學士知亳州卒大雅樸學自信無所阿附直集賢院二十五年不遷或笑其違世自守大雅嘆曰吾不學乎世而學乎聖人由是以此天禧中使淮南循江按部過金陵覆舟冠蓋盡喪時丁謂鎮金陵遣人遺衣一襲辭不受晚與陳從易並命知

制誥大雅嘗因轉對上原治十七篇所著有大隱集西垣集職林兩漢博聞

張方平字安道宋城人少穎悟絕倫書一閱不再讀假人三史旬日卽歸之曰吾已得其詳矣宋綬蔡齊以爲天下奇才舉茂才異等除校書郎知崑山縣又中賢良方正之選遷著作佐郎通判睦州時元昊叛命朝廷決計用兵方平上平戎十策宰相呂夷簡善之而不果行當召試館職仁宗曰是非兩策制科者乎何試也命直集賢院俄知諫院夏

人寇邊西師久未解元昊亦困弊方平言陛下猶天地父母也豈可與較願因郊赦引咎示信開其自新之路帝喜曰是吾心也是歲元昊以郊赦竟降未幾以侍講學士出知益州或煽言儂智高在南詔將入寇民大驚擾詔趣方平行方平曰此必妄也道遇戍卒皆遣歸得造語者梟首境上而流其餘黨蜀人遂安復以三司使召還時西鄙用兵兩蜀多所調發乃畫上十四策富弼讀其奏漏盡十刻帝稱善弼曰此軍國大計非常奏也悉如其

說行之遷尙書左丞知南京英宗立遷禮部尙書
請知鄆州遷爲學士承旨上不豫召至福甯殿帝
憑几言言不可辨方平進請帝書云明日降詔立
皇太子方平抗聲曰必穎王也嫡長而賢請書其
名帝力疾書之乃退草制神宗卽位請約山陵費
帝曰奉先可損乎對曰遺命固云以先志行之可
謂孝矣旣而拜叅知政事遭父憂去服闋入覲留
判尙書省時安石行新法乃力請知陳州及陛辭
極論其害帝憮然後又進使南院判應天府新法

鬻祠廟宋闕伯微子廟皆爲賈區方平言宋王業
所基闕伯封于商邱以至大火微子爲始封之君
是二祠者亦不免乎帝震怒批牘尾曰慢神辱國
無甚于斯于是天下祠廟皆罷鬻數請老以太子
少師致仕哲宗立加太子太保元祐六年薨年八
十五贈司空謚曰文定方平慷慨有氣節旣告老
論事益切且曰臣死見先帝地下有以籍口矣平
居未常以言狗物以色假人守蜀時得蘇洵與其
子軾轍深器異之嘗薦軾爲諫官軾下制獄又抗

章爲請故軾終身敬事之叙其文以比孔融諸葛亮晚受知神宗王安石方用事巖然不少屈以是望高一時守宋都日富弼自毫移汝過見之曰人固難知也方平日謂王安石乎亦豈難知者方平頃知皇祐貢舉或稱其文學辟以考校旣入院凡院事皆欲紛更方平惡其人檄之使出自是未嘗與語也弼有愧色蓋弼素亦善安石云

蔡抗字子直宋城人舉進士調太平州推官聞父希言疾委官去稍遷睦親宅講書英宗在藩邸器重之再遷太常博士乞知蘇州州並江湖民田苦風潮害抗築長堤自郡東屬崑山亘八十里民得立塍場大以爲利徙廣東轉運使英宗立召爲三司判官及入對論曰卿乃吾故人朕望于卿者厚勿以常禮自疎也以史館修撰同知諫院方議濮安懿王典禮抗引禮爲人役之誼指陳切至時都城大水抗推原變異守前說以對大臣畏其陳列白爲知制誥遷龍圖閣直學士知定州召爲太子詹事英宗崩改知秦州一日夢英宗召語眷如平生

欲退復留覺爲家人言感念獻欬未幾病卒贈禮部侍郎弟挺

挺字子政第進士調處州推官後歷數州俱有善政擢陝西轉運副使進直龍圖閣知慶州夏人大入挺盡斂邊戶入保戒諸軍無輕出戰又多伏強弩壕外飛矢貫其鎧敵人驚擾潰去熙甯五年拜樞密副使帝問挺涇原訓兵之法召部將按于崇政殿帝善之下爲諸部法尋以疾罷爲資政殿學士判南京留司御史臺卒贈工部尙書謚敏肅挺

在渭久鬱鬱不自聊寓意詞曲有玉關人老之嘆優伶歌之達于禁掖神宗愍焉遂有樞密之拜云李紘字仲綱楚邱人叅政昌齡從子進士及第試校書郎知歙縣縣產黃金民輸以代賦後金竭責其賦輸如故紘奏罷之歷知於潛剡縣所至有惠政召拜監察御史以直言重于時爲河北陝西轉運使進龍圖閣直學士知秦州卒紘方介有吏材篤於交遊范仲淹被謫朝士畏嫌無敢送者紘獨出郊餞之與劉顏爲友顏死移任子恩官其子弟緯

詳武功傳緯子師中

李師中字誠之年十五上封事言時政舉進士知洛川縣民有罪妨其農時者皆遣歸令農隙自詣吏民負官茶十萬緡追繫甚衆師中爲脫桎梏語之曰公錢無不償之理寬典安可期乎令鄉置一櫃籍其名許日輸所負一錢以上輒投之書簿而去比終歲逋者盡足遷太子中允知敷政改提點廣西刑獄攝帥事值儂智高子宗旦保火峒衆無所屬前將規討以幸賞遂固守師中檄諭禍福立率

其族以地降人化其德多畫像立祠以祀稱爲桂州李大夫不敢名還知濟兗二州熙甯初拜天章閣待制知秦州以議邊事與王韶不合罷去後復待制知瀛州數言時政得失乞召司馬光蘇軾等又高自稱許呂惠卿惡之貶和州團練副使還爲右司郎中以卒初師中在州縣得邸狀用包拯叅知政事或云朝廷自此多事師中曰包公何能爲今知鄞縣有王安石者眼多白甚似王敦他日亂天下必斯人也後二十年言乃信其志尙甚高每

進見多陳天人之際君臣大節請以進賢退不肖
爲宰相考課法在官所至有遺愛杜衍范仲淹富
弼皆薦其有王佐才

明

徐永達字志道少負氣節洪武丙子舉于鄉歷同官
宜章寶雞教諭成就人材甚多將奏績寶雞士赴
銓部乞留復任永樂庚子遷翰林院編修侍宣宗
讀書潛邸遷右春坊右中允宣德中以鴻臚卿三
使交趾群情帖服出爲湖廣按察使以廉直稱

內艱回廬于墓側甫服闋特起山西按察使時御
史苛刻無大體永達奏之都御史陳智啣之嗾御
史吳昌衍孫睿誣以他事御史不從乃俱以聞宣
宗下部議覆上怒曰都察院是與天下伸冤理在
之官今反因事陷正人安可典法司故鄉人至今
稱爲正人云正統壬戌卒于官貧不能斂都御史
于謙解帶賻之得歸葬崇祀鄉賢

潘禮字嘉會登天順庚辰進士授戶科給事中剛直
敢言中外敬憚之歷左右通政太僕卿所至政嚴

弊革人皆稱善陞工部左侍郎奉勅督理易州厰
厰故有園圃果蔬之利爲守者所侵漁歲時饋遺
中貴人禮取其直輸之官絕饋遺中貴人疾之禮
遂上疏乞休歸裝惟敝衣數襲圖籍數卷而已居
鄉蔬食徒行雖接遇田野後進亦退讓如書生忽
撫都御史韓邦問以禮清節純行疏于朝乞優禮
之武廟命有司月給米三石特加慰問年八十四
卒遣官諭祭營葬如制安陽崔侍郎銑嘗曰潘司
空督厰易州潔身而賄門塞歲省民貲數千旣歸
宋中有田一夫躬耕稼以生城亡居四時棲田廬
盜夜掠之有粟數升一敝裘耳盜驚嘆叩頭曰使
在官皆若公我輩安敢爲盜其廉潔如此

宋纁字伯敬爲諸生同儕欲請蠲徭纁不可曰事在
令長自請之傷耻省試官爲給馬纁問馬所出曰
出里中遂却之中嘉靖丙辰進士授永平府推官
廉直不徇直指意擢山東道御史出按陝西值中
貴呂用等以傳奉監十二團營撓法抗疏彈之中
貴歛跡按應天肅清奸宄勸人築圩障水以救澇

又辨徽州太守何東序寃人多稱之再按山西擒大盜李九經擢順天府丞遷僉都御史巡撫保定與江陵相不合引疾歸江陵歿後起撫保定值歲稔縹先賑而後聞或諫之縹曰待報而行則溝中之瘠滿矣累進至戶部尙書時國用匱或議開礦縹曰是利藪亦禍藪也或議鬻爵縹曰是利府亦弊府也俱格不行議開封歸德仍食長蘆鹽又題免歸德衛軍代徐泗二衛運漕船七十二隻公私便之萬曆庚寅轉吏部而以東明石星代爲戶部

星一日退朝語縹曰今日查出某省羨金若干縹曰不然朝廷錢穀甯可蓄而不用不可搜索無餘且使王上知帑藏贏羨或生侈心會郎署有言漕運可改折者縹曰太倉之粟甯可紅腐不可不足脫有不給從何措置神宗在御日久習知羣臣情僞有直言激切指斥乘輿者全不譴呵曰若特沽名耳大臣多稱聖度寬洪縹獨愀然曰言官論事正要人主感動甯天威震赫責及言官或尙有微省若一槩置之如痿痺之疾全無痛痒無藥可醫

矣厥後凡百章奏一切留中而朝堂至三十年不御一再傳而天怒人怨內闈外寇以趨于亡人咸服纁之先見自嘉靖以來銓政多稟承于政府纁長吏部獨行其意吳門相頗不懌而纁亦不之顧也未幾以疾卒贈太子太保謚莊敏纁性嚴重廉儉家無姬侍宦遊三十餘年止携老僕數人雖近侍婢僕不櫛沐不之見言論無虛恢就事發明愚者可解而智者亦思之不盡爲政尙大體常日小利近功必將蓄大忠比之鄉前輩可方宋方平而

軼唐元忠矣

沈鯉字仲化其先南直崑山人以戌籍調歸德衛祖知府瀚詳別傳鯉爲諸生時跬步不苟年十九舉于鄉夜有奔女拒弗納登嘉靖乙丑進士改庶吉士由翰林檢討爲講官累遷侍讀學士掌院事晉吏部左侍郎萬曆甲申拜禮部尙書戊子乞歸里居十四年召拜文淵閣大學士累加至少保贈太師鯉自少方嚴剛介強直自遂掌院日江陵相病滿朝爲之設醮鯉獨不與名或強之曰同官之誼應如是

鯉曰事當論其可不可豈論同官與不同官乎卒
不與在禮部曰秦王誼滸請封其弟爲郡王將軍
上已許之鯉執奏不可上曰此特恩不爲例也鯉
曰特恩便是私恩不爲例卽成一例臣止知守祖
宗之法而已他非所聞也上亦無以難又慶成王
請封其次妃戚晚鄭承憲乞卹典翊聖夫人金氏
欲以姪承夫爵鯉皆援祖宗成憲格不行時羣臣
屢請定國本而神宗乃下詔封鄭氏爲皇貴妃鯉
曰恭妃誕育元子不封而封第三子母乎請並封

恭妃上雖不從而舉朝韙其議時光山產麒麟上
欲取觀鯉奏言人主好尙甚微而傳播海內傷盛
德甚大此物一進則天下之奇異者踵至矣封還
詔旨其不依徇取容類如此他如請復建文年號
修景帝實錄定廟享禮制皆關一朝大典上多採
納焉時吳門二輔相繼柄國鯉意見多與柄鑿累
疏乞歸而上以鯉忠直方欲倚以爲相乃曰沈尙
書不曉我意輒自遠耶久之起故官入叅大政值
上益倦勤中外否隔而礦稅之使所在流毒鯉上

章極論而終不能聽鯉念時事多艱列謹天戒卹民窮十事上之慮不省覽乃書天啟聖聰牌子閣內每日焚香禱祝諧者言鯉呪詛上密遣小內侍抄所書牌閱之乃釋然時四明執政其伎甚于吳門而黨附之者衆楚宗有訐楚王華燧非故王子者時侍郎郭正域江夏人頗主其說而四明弗善也閣臣惟鯉與正域合故四明益牴牾及妖書獄起四明之黨欲借以中正域因以傾鯉而廷論紛然一貫與鯉並罷事在國史鯉歸後又林居者十年而卒年八十五贈太保謚文端初江陵作相嘗於私宅票擬同列踵爲故事鯉曰國政決于私門非體也從不以章奏携寓邸神宗頗好貨朝士多捐俸助工鯉曰我知養廉不知逢君之欲聞者愧焉鯉在政府四年每事爲同官所尼其志不得行而公忠體國萬曆中稱賢相者推兩文端蓋鯉與王山陰也山陰亦謚文端皆不愧易名之典云

侯執躬字覲墀父瑀見別傳少嗜學與從弟執蒲互相砥礪萬曆戊子同舉于鄉己丑成進士出歸善

楊起元之門起元有文學盛名世所謂楊復所先生者也釋褐授中書舍人丁酉典四川鄉試所得皆三巴名士劉時俊尹伸其最著者以清望擢吏部文選主事遷員外轉驗封郎中執躬爲人剛方介直典銓時苞苴請托遏而不行權貴側目遂外調湖廣叅政分守荆南道治荆有勞績加按察使遷四川右布政尋轉左久之遷光祿寺卿時蜀中殷富而藩伯爲財賦總漕守其官者歲入不貲執躬秉操如吏部時絕不以脂膏自潤又念吳蜀相

廷俱海內所推爲東林正人執蒲皆與之交善而忌者遂有東渠魁之目會當大祭魏奄欲代行禮執蒲知之先期上言天壇寅清之所皇帝所以對越上帝者也輒有宮奴奄豎走馬射彈狂遊嬉戲褻越已甚竊謂刑餘不宜近至尊况天神饗祀之地乎宜下所司論治魏奄見之大怒時璫燄已成執蒲知事不可爲遂引年乞休堅卧不起又十八年而卒執蒲家本戍籍其子恂在崇禎朝佐司馬將去之執蒲貽書止之曰人盡以軍爲苦如國家

何如子孫以軍爲辱如祖宗何人以為名言

周士樸字丹其萬曆癸丑進士初授山西曲沃知縣擢禮科給事中歷工科都給事中遷太常少卿累晉至戶部侍郎拜工部尙書士樸平生以文章氣節自負爲人剛方正大在工垣時奄人魏忠賢專柄其黨織監李實陷害左都御史高攀龍御史周宗建論德繆昌期等併及應天巡撫周起元士樸上疏申救遂觸忠賢之忌引疾歸其爲大司空也懷宗更置奄人張彝憲監制工部名曰總理郎中

以下皆長跪叅之士樸與爭坐次亦奄人意復以爭駙馬齊贊元事不合遂求罷壬午城破殉難

余城字洪崖萬曆丙辰進士授中書舍人天啟改元擢御史會三案議起璫燄漸熾南京大理寺丞王命新甯夏撫臣郭之宗皆璫私人城劾罷之巡視南城禁演劇朝士有用以置酒者亦召城城至麾役收伶人徑去四坐悚然權璫出私人羅織異已者城輒捕之復上章言情狐鼠嚴請托璫益不能堪思有以中城而未發城鑒一時璫錮之禍甚烈

日人方含沙而我授以影可乎無益徒亂人國耳
絕一切交際宴會落落孤行卽其里人至亦不具
一杯瑞無所拮拾而去乃命城出接滇時水西東
烏交叛道梗又沙普土司構難日尋干戈而沐黔
公尤怙勢不法城由劍關渡瀘閒道西行檄下水
西東烏諭以天子威德二酋皆束戈受約召沙普
平其宿怨亦稽首謝罪惟黔國冥行罔覺先輦金
賂城城不受遣刺客刺城不中又于通衢疊石爲
坊而伏機于下將殺城城抵坊下心動疾驅輿人

過而機發石下中一輿人死城曰吾天子法吏也
知行吾法而已擒其將之尤橫者榜殺之黔國益
怒集部下將衷甲而殺城遂以反其母固止之不
聽母曰若旣不可回飲我卮酒三用壯爾膽飲之
立死蓋醜也城還朝熹宗崩懷宗立襲黔公者愬
城殺前公上下其事于滇撫滇人交章訟故黔國
不法事而直城上意乃釋上亦由是知城未幾有
尋漕之命復按山右奉特旨巡視九邊九邊諸帥
皆股栗曰是不爲黔公屈者也累遷兵部左侍郎

協理戎政壬午天下益亂以瑛爲南兵部尙書陞見奏陳方畧甚悉上頷之而宜與相有所請不遂惡瑛未幾以到官失期免瑛著有西臺諫草若干卷甲申之變北向稽首哭而焚之曰老臣不忍以空言取名後世而彰先朝之失策也南遁閩嶠後歸鬱鬱不自得卒于戊子歲

侯恂字若谷太常卿執蒲長子年十七受知于郡守鄭三俊與弟恪同登萬曆丙辰進士授行人熹宗立除御史追論移宮事與楊左諸公議合在臺正

論侃侃憲長鄒元標頗重之出按貴州數上方畧朝右稱其知兵敘平苗功擬陟京卿時魏忠賢已擅權羣小附和凡異己者目爲東林黨以次剷除恂父執蒲旣爲高攀龍陳于廷輩所引重而弟恪復與同官繆昌期姚希孟善楊漣二十四大罪疏謂出繆草恪亦與聞而紅丸移宮之案恂顯與羣小異議魏璫深恨之父子兄弟乃相繼黜逐一時商邱侯氏東林黨魁之名遂震天下崇禎改元忠賢誅恂復爲御史首請定逆案時烏程溫體仁以

媚璫漏網驟秉國政頗切齒于恂己巳庚午之間
邊事益棘恂才望甚隆由同少超拜兵侍視師昌
平恂至拔尤世威于偏裨左良玉于卒伍皆爲大
將屢立戰功時內釁外訐國儲告匱而司農畢自
嚴坐誤餉下獄上召恂代之恂拮据經畫不事加
派而轉輸不乏又上屯田議制極周詳然烏程方
忌恂竟嗾言官論其糜餉誤國下獄論死長繫者
七年及闖賊大起圍汴已浹歲朝廷思恂才又以
天下重兵皆在左良玉所謂良玉出恂麾下有恩

度恂能制良玉乃起恂獄中拜兵部侍郎督良玉
等七帥援汴恂受命卽上疏論天下形勢請以汴
餌賊而調河南北諸督撫各守要害而自統良玉
軍勦賊良玉聞之踴躍願効死乃中朝持異議不
令恂赴左軍良玉遂不用命汴潰復徵恂下獄甲
申三月賊入京師恂出獄南奔時金陵擁立故奄
黨阮大鍼執國命亟欲殺恂值良玉方興晉陽之
甲而南都亦旋失守恂乃得脫 本朝順治三年
歸里有明臣之在朝者多欲恂出裸將而中州撫

按亦交章論薦恂謝不起因築室于城南偃臥其中足不入城市者又十餘年而卒子方夏方域有才名見別傳

侯恪字若木一字若樸太常執蒲次子少負異才登進士改庶吉士除編修侍經筵命修神宗實錄又修光宗實錄當三案議起言論沸騰恪據事直書不少假袒時魏奄已竊柄羣小附之輔臣沈灌依內力以逐尙書王紀恪於其事顛末備錄無所隱護又摘發魏奄姦狀恐爲縉紳胎禍語在實錄中

人或危之恪曰史職惟有直書耳顧南董何人哉乙丑分校禮闈掌貢舉魏廣微本奄黨素嫌恪所薦取士鄭友立宋玫輒有意摧抑之以語挾恪恪與力爭曰人生貴識大義豈戀旦夕一官負天下才人哉廣微語塞及榜放鄭宋皆名士也初恪修實錄已極詆忠賢忠賢日不識丁而附忠賢者亦未暇檢詳實錄語猶以恪詩文名重遣其私人田爾耕招致之恪曰吾且旦夕去國豈能爲奄豎客耶爾耕大恚而去於是御史智鋌論恪爲東林邪

黨素與魏大中相結又與繆昌期姚希孟同謀以
應山二十四大罪疏草出吳人姚與恪同年同官
而繆固恪所善疑亦與聞疏入奄大怒矯旨削籍
出都門生祖帳恪執其手曰吾歸矣幸無覩顏以
辱諸生但願異日諸生作好人不願諸生作好官
門生皆泣數行下恪既歸縱情詩酒絕口不問外
事居二年熹宗崩懷宗立魏奄伏誅起恪中允還
朝遷庶子典起居注時有浙人溫體仁者與虞山
錢謙益爭枚卜揣上意爲書訟言羣臣朋黨得召

對召對時體仁鈎挑詬誶數睨望顏色伏叩頭爲
側媚曲謹狀天子大悅果罷謙益而相體仁恪伏
墀下纖悉疏其醜而筆之于簡體仁病之數懇恪
稍改易恪固執不可其守官不回如此遷南祭酒
太學諸生聞之曰是故與魏相爭鄭宋二生者耶
願入成均者近萬人明興以來未之有也踰年謝
病歸恪工于詩嗜酒嘗吟曰常恐花開顏色少一
春須醉一千回蓋實錄也究以縱飲卒年四十三
子方鎮方岳方巖

方鎮字長華與從弟方域及吳伯裔兄弟徐作霖
劉伯愚並以文學知名爲雪苑社世所稱吳侯徐
劉者是也工詩能書尤嗜酒平生詩文筆札往往
得之酒中爲多壬午城陷不知所往後有人自賊
中來者云方鎮已罵賊死矣

方岳字仲衡明末以明經除桃源令遇亂棄官方
岳文采風流而任俠尙義憂人之憂急人之急甚
于已時人比之魯仲連陳孟公亦雅好吟咏有詩
集行世

方巖字叔岱少爲高才生倜儻放達風神散朗明
季見天下將亂乃更習韜鈴散財結客思爲國家
用闖賊陷宋嘗遣死士出入賊壘奪取戚黨之見
俘者又擒誅僞官保障鄉邑人頌其功閤部某聞
其名召置麾下署爲都督令帥一軍以扼淮泗旣
而知事不可爲乃解去葛巾野服躬課農桑暇則
彈琴賦詩鬪雞走狗與田夫屠沽徵逐于郊原闐
闐之間翛然自忘其爲貴公子故將軍也晚歲時
時縱酒日樽壘不輟頗以嗣宗靖節自况卒年七

十餘子明亦有文學登進士官四川資縣令
葉廷桂字青來母夢緋衣秉笏者至其家而生爲諸
生首受知于郡守鄭三俊萬曆壬子發解第一天
啟壬戌成進士除戶部主事遷郎中出爲陝西右
叅議分巡關內以憂歸崇禎三年起陝西督糧道
時秦中流寇充斥中外方亟邊才廷桂少具文武
大畧喜談兵有胆智秦撫練國事素以鄉曲知廷
桂薦調關內道特勅監軍廷桂躬冒矢石屢立戰
功擒賊首李老柴一條龍等獻俘意欲掃除根株

而督臣楊鶴方主招撫廷桂爭之不得歎曰所謂
治疾而必遺其種者也久當思我言耳旣而受撫
者果悉叛督撫俱抵罪是年改靖遠兵糧副使平
逆弁劉瘡子之亂進叅政分守河西擒斬賊渠紅
狼等六十七人延慶以平築鄜州城以安殘黎次
年以盜聚蒲絳復調河東道抵任不十日而寇突
至廷桂悉力禦之斬獲數百人賊敗走遷本省按
察使兩月中清積贖三百餘事巡撫都御史吳甞
嘆曰霹靂手也遂擢右僉都御史巡撫大同適邊

警告急廷桂出助馬堡邀擊於豐州灘斬馘千餘捷聞詔賜金幣蔭一子世襲錦衣千戶十一年考績加副都御史賜飛魚服尋以病乞歸十三年起爲戶部侍郎督理兵餉召對平臺天子器其才改兵部侍郎兼督關薊軍政清出乾沒銀米百餘萬詔移鎮甯遠而與朝貴齟齬所請機宜輒不報會病甚乞休將南歸而宋郡已被賊陷乃浮家江南聞燕都之變慟哭不欲生明年由浙航海徙閩久之北還行至衢州卒廷桂旣負才畧志節剛方不

傍門戶歷監司邊鎮立功立事有足觀者再出受關薊之任時事日非倉皇去位頓遭板蕩國破家亡乃漂泊東南流離轉徙白首崎嶇卒死于道君子悲其志焉子元滋

元滋字奎伯年十九以蔭補錦衣衛副千戶能勤其職大金吾器之遂取理刑西司房壬午遷正千戶亡何命督饒南淮時饒政已添一中丞握節又令中官監之元滋至有一蠹商私饒事發餽千金乞元滋關說緩獄元滋曰釐姦剔弊正我事也卻

其金抵之法淮人羣服葉錦衣之清先是父廷桂從遼督謝病歸因避地東南既而南都亦失守元滋奉其父之浙之閩之海萬里閒關備嘗艱苦丙戌歲廷桂歿于衢自念旅櫬百口何以返故園因歸命 本朝浙督張存仁承制授以監司元滋堅辭不受歸塋其父而張督移鎮大名知其才復檄令從軍討賊功成題敘元滋又力辭不赴自此杜門却掃種竹千竿題曰竹構日吟哦其中遂終身不出年八十二乃卒元滋平生孝友廉讓妮妮恭謹而于出處大節雖流離逼迫始終不渝易之所謂變而不失其正者元滋有焉弟元渥有文行儀度英偉人皆以大器期之惜祇以諸生終後子增奕增英貴追贈承德郎元滋有從叔廷植者明季從軍大同仕至左衛都司鼎革後隱居課農以長厚教家子元澍歲貢生任滎澤訓導元溥辛卯副榜俱有文名元溥子增煥尤負俊才早卒

本朝

宋權字雨恭明吏部尙書纁族孫祖暘父沾見別傳

權八歲而孤事母丁夫人以孝聞登天啟乙丑進士筮仕陽曲令邑爲晉會城時魏奄亂政諂附者俱爲建祠山右大吏共擬啟建權獨異議奄聞頗恚衆爲權懼會奄敗而止權在陽五年有惠政以課最徵入諫垣屢上書言事直聲震朝右在兵科嘗三疏劾冢宰用人之弊必致誤國當軸者忌其切直出爲山西按察副使未幾乞終養崇禎末起備兵大名改順廣又調遵化尋遷僉都御史巡撫順天受命甫三日而李自成陷京師賊遂設僞官

於京東而分捕諸舊官甚急權方出外巡徼倉皇走白羊峪夜勒兵還擒僞將黃鉉等誅之會本朝大兵入關賊西走權糾衆狗曰我明臣明亡無主有能爲我明報仇殺賊者卽我主也乃祭告故君籍所部來歸請解官歸田不許 賜書褒美仍令撫順天如故首上疏請議崇禎帝廟號及裁加派羅人才三事皆見采納復陳時政得失連章累牘俱洞悉利弊又勦撫土賊數萬畿輔以平順治三年超拜內國史院大學士入參機務兩典會闈

釐正文體所得皆海內知名士一時名公巨卿出
 其門者甚衆尋加太子太保累疏乞休遂致仕歸
 構圃於東郊自號歸德老農與故人野老賞花賦
 詩終日酣飲不問世事未幾卒訃聞中朝震悼予
 卹優厚贈少保謚文康

商邱縣志卷之九

賢達

士大夫建之績有大小名之存有顯晦而聲已振
 朝端惠已及民社皆賢達者流也列名臣之次以
 昭宦業

周

貞子宋人仕宋爲司城後奔陳爲陳侯周大夫孔子
 慕其賢過宋主其家

薛居州宋之賢士戴不勝薦於宋王王使之居於左

右孟子嘗稱之

臧子宋人齊攻宋宋使臧子索救于荆荆王大悅許救甚歡臧子憂而反其御曰索救而得有憂色何也臧子曰宋小而齊大夫救于小宋而惡于大齊此王之所憂也而荆主說甚必以堅我我堅而齊蔽荆之利也臧子歸齊果拔宋五城而荆救不至

漢

壺遂梁人爲人深中篤厚世稱長者梁內史韓安國舉之與司馬遷等共定漢律歷官至詹事方欲

以爲相會病卒不果

傅柏梁人爲孝王將素伉直孝景時太子洗馬汲黯好直諫數犯主之顏色嘗慕栢與袁盎之爲人

宋

楚昭輔字拱辰宋城人事太祖隸麾下以才幹稱甚信任之陳橋兵變昭憲太后在城中太祖遣昭輔問起居具言士衆推戴狀太后乃安宋初爲軍器庫使太祖以其能心計命權判三司太平興國初拜樞密使累加檢校太尉太宗以其所居湫隘命

有司廣之昭輔慮侵民地固讓不願治帝嘉其意賜白金萬兩令別市宅昭輔性勤介人不敢干以私然性吝嗇聚貨鉅萬時論少之卒贈侍中無子錄其兄子吉敏吉子隨敏子咸並進士及第

許驥字允升家世薊州父唐商于汴洛石晉以幽薊賂契丹唐遂卜居睢陽驥自幼風骨秀異年十三善詞賦受業于郡人戚同文太宗時舉進士與呂蒙正齊名除將作監丞通判益州敷歷州轉遷右諫議大夫累官御史中丞改兵部侍郎出知單州

以卒贈工部尙書初驥自蜀召歸上言蜀民浮窳易搖宜擇忠厚者撫之爲預備旣而李順叛衆頗服其先見子宗壽官殿中丞

盛度字公量應天府人徙餘杭父豫終尙書度支郎中度舉進士及第初補濟陰尉累遷尙書屯田員外郎奉使西域因覽疆域參贊漢唐故事繪爲西域圖以獻真宗稱其博學遷右諫議大夫權知開封府以疾辭後兩爲翰林學士以禮部侍郎兼端明殿學士召問邊計退而條十事上之景祐二年

拜叅知政事與王曾呂夷簡同執政既而遷知樞密院事尋以尙書右丞罷知揚州改知應天府以疾致仕卒贈太子太保謚文肅度好學家居列圖書每歸未嘗釋手有愚谷銀臺中書樞中四集又有中書翰林二制集子申甫官尙書兵部郎中集賢校理常爲福建轉運使以修潔稱兄京有吏能以尙書工部侍郎致仕卒

王洙字原叔宋城人少穎悟博學記問過人舉進士甲科補舒城尉累遷至尙書工部員外郎坐事黜

知濠州徙兗州又徙徐州在徐日值京東饑洙誘商出粟以餉流民因募其壯者爲兵得千餘人盜賊衰息有司上其最爲京東第一徙亳州入爲天章閣待制累官翰林學士洙汎覽博記至圖緯方技筭數音律訓詁篆隸之學無所不通及卒賜謚曰文著易傳十卷雜文千餘篇子欽臣

欽臣字仲至清亮有志操以文贄歐陽修器重之用蔭入官文彥博薦試學士院賜進士及第元祐初爲工部員外郎奉使高麗還進太僕少卿遷秘

書少監累遷集賢殿待制知成德軍卒欽臣平生
爲文至多所交盡名士性嗜古藏書數萬卷手自
校讐世稱善本

稽穎字公實宋城人父適嘗爲石首主簿民有父子
坐重繫府檄適按之抵其父子法而子獲免父死
假人言曰主簿仁人也行且生賢子後必大明年
穎生天聖中進士及第授蔡州團練判官後累遷
尚書兵部員外郎召拜翰林學士未及謝卒詔以
誥勅襲衣金帶鞍馬賜其家穎舉進士時王曾張

知白相繼爲南京留守見穎謹厚篤學謂其子弟
曰若曹師表也張堯封嘗從穎學其後堯封女入
禁中甚被寵幸令其弟化基請穎求編次其父稿
爲序以獻之穎不荅亦不以獻

邊肅字安國楚邱人進士及第除大理評事知於潛
縣歷遷尚書度支員外郎帝以三司鈎取無法至
道初置行帳司以會財用之數命肅主之帳成遷
工部郎中真宗幸大名府命肅經度行在糧草改
判開拆司出知邢州會契丹大入先是地屢震城

堞摧圯無守備帝在澶密詔肅聽便宜保地城肅
匿詔不發督丁壯乘城而闕諸門悉所部兵陣以
待之敵莫測也居三日引去時鎮魏深趙磁洛六
州堅壁不出老弱趨城者肅悉開門納之擢樞密
直學士累遷給事中後以泰甯軍節度副使卒子
調終福建路轉運使

孫諤字元中睢陽人父文用以信厚稱鄉里死謚恭
靜居士諤少挺持不羣爲張方平所器登進士第
調哲信主簿遷國子直講太常博士出爲利梓路

轉運判官召拜禮部員外郎右正言紹聖治元祐
黨諤言漢唐朋黨之禍其鑒不遠朝廷當以靜鎮
天下一切勿問帝患臺諫乏人諤曰士豈乏于世
顧陛下不知耳立疏可用者二十二人章惇惡其
拂己出知廣德軍徽宗立復爲右司諫帝以鯁直
稱之遷左司諫以疾卒諤與彭汝礪以氣節相尙
汝礪亾諤語所知曰吾居言責不愧器資于地下
矣器資汝礪字也再入諫省不能旬月時論惜之
徐處仁字擇之穀熟人中進士甲科初爲東安令移

知濟州金鄉縣以薦者召見徽宗問京東歲事處
仁以旱蝗對問邑有賊盜乎曰有之上謂處仁不
欺除太常博士遷右正言給事中攝開封府裁決
如流囚繫常空進戶部尙書繼拜大中大夫尙書
右丞以資政殿學士出知青州徙永興以失童貫
意落職知蘄州久之徙知潁昌府再奉祠起知徐
州召爲醴泉觀使徽宗訪以天下事對曰天下大
勢在兵與民今水旱之餘賦役煩重公私凋弊兵
民皆困不及今謀之後將有不勝圖者上稱善未

幾以疾罷歸南都方臘爲亂處仁急見留守薛昂
爲畫戰守之策因語昂曰睢陽遮蔽江淮乃國家
受命之地脫有非常吾助君死守語聞于朝起爲
應天尹河北盜起徙大名尹徽宗賜手詔曰金人
雖約和然狼子野心易扇以變有當行事以聞處
仁上禦戎十策進觀文殿大學士召爲寶籙宮使
金人犯京師處仁儲糧列備合兵勤王奏乞下詔
親征以張國威及金人歸又欲伏兵濬滑擊其半
濟召爲中書侍郎入見欽宗欲割三鎮以畀金人

處仁力言其不可拜太宰兼門下侍郎與同列不合罷爲太一宮使高宗卽位起爲大名尹北道都總管卒于郡處仁在宣和間數請寬民力以弭盜賊尹大名以剛廉稱及爲相頗不滿時望幼子度官吏部侍郎

滕康字子濟宋城人崇甯中進士除秘書省正字遷著作佐郎尙書禮部員外郎靖康二年元帥府聞康習憲章召至濟州康率羣臣勸進除太常少卿凡告天及肆赦之文皆康爲之詞意激切聞者感

動試中書舍人遷龍圖閣待制以行詞忤時相意罷祠未幾移躡錢唐再除中書舍人遷左諫議大夫屢上封事以切直蒙褒諭稱其有諫臣風累擢端明殿學士同簽書樞密院事建炎三年金人入寇上請太后奉神主如江西令康與李邴同衛行聞金人渡江倉卒奉太后趨虔州爲御史所劾貶永州紹興二年卒年四十八追復龍圖閣學士

元

劉克敬楚邱人爲莘縣尹政先風化嘗取仙居令陳

襄條約以教民民服其化立去思碑

明

吳伯昂問學該博元末隱居不仕洪武初以儒士徵至京儀度老成特拜國子監祭酒造士有法居數歲卒於官

李從義字守信洪武中河決鳳池口漂沒夏永蕭諸縣有司不以聞從義詣闕上言乞令軍民合力築防以遏水患上從其言發興武等十衛卒與歸德屬縣民築之凡一月而成水患以息民得安堵既而試事有能授監察御史執法不撓久之出知晉州有惠政引年致仕終于家

李泰父熙官工部主事有材能泰自少明經修行闢學授徒永樂己亥以稅戶人材召至京將入朝太宗夜夢衣絳服十餘人朝於殿陛明晨泰等陛見果如所夢上大悅詔皆除方面泰拜廣東右叅政著能聲後以省員回部改授兩浙鹽運使刊削姦弊商民悅服偶以註誤應左遷竈丁吳寬等八百人伏闕奏留因改本司副使公平勤慎不避權勢

鹽課之增歲倍于常考最晉福建鹽運司同知卒於官

朱洪成化乙未進士知唐縣治豪族除黠吏人心畏懷選諸生才者授以經義後多取科第考最行取赴闕唐人奏留不允遷監察御史出按浙江綽有風裁還朝以疾卒于家

沈翰字柬之成化甲辰進士授西安府推官有僧樂妓恃藩府殺人憲臣莫敢問翰執寘于法禮部主事員外出知建甯扇

最當遷時中人劉瑾擅權輒索賄于外吏翰耻之乞致仕後以孫鯉貴累贈少保大學士

賈恭景泰癸酉舉人初署趙州學正正躬率物士風丕變嘗爲北畿鄉試同考官有懷金私謁者恭叱遣之轉國子助教貧無僕馬徒步以朝後遷楚府長史致仕卒子時

時成化甲辰進士除刑部主事累官至山西按察司副使初在刑曹亦有以金餽者時堅拒不受人謂時有父風其備兵宣府籌畫邊計亦多所裨益

喬巖字異甫隆慶辛未進士初授南宮知縣有惠政畿南治聲稱最及奉徵書北上士庶送者數千人攀轅不忍去爲立生祠以祠之人爲陝西道監察御史因忤江陵相被譴謫河東鹽運司知事丙子分較秋闈得士十四人皆一時名宿丁丑遷平陽府推官歷禮部精膳司郎中擢山西按察副使備兵井陘躬歷邊陲整頓軍伍閱視使者上其功特賜金帛嘉勞之遷山西叅政以疾乞休家食八年兩臺推薦者無虛歲復起山西叅政分守河東卒

于

楊澗字湛如萬曆壬午舉人初任南直興化知縣爲政清簡士民悅服捐俸買田數百畝分祀先賢如范文正公韓樂吾先生等祠各給百畝歲奉祭祀又立講堂訓課諸生邑士得其指授者後皆爲名臣如大學士吳甡刑部尙書解學龍其最著者遷知壽州以憂歸起守霸州霸爲皇都近地時中貴居霸者什之九爲暴里中澗知不能禁遂懷印綬抵都謁司禮監痛陳其狀詞氣慷慨司禮心折遂

戒其下不得犯楊知州法四年之內一境肅然澗
致仕後興壽霸三地之民伺其生誕來稱祝者必
數十人歲以爲常今祀鄉賢

劉應卜萬曆乙酉舉人初授邵陽知縣廉幹有爲常
戴星視事夤夜治簿書或勸之稍休曰吾甯勞一
人貽百姓逸也遷辰州同知值鎮筸卒各回汎領餉其圍立
三萬適黔撫以升任過沅士卒脫巾呼應卜發辰
金五千從他道抵壘召囂卒各回汎領餉其圍立
解俄而官軍復變又圍新黔撫于沅公急貸辰庫

萬金起廢弁某爲兵所素服者與偕行及遇兵則
皆羅拜流涕曰是不侵漁我餉者也遂解而歸其
機警足以禦變者若此後引年致仕今祀鄉賢

曹代蕭字莒岸萬曆丙戌進士初授刑部主事歷本
部員外戶部郎中出知嘉興永平二府俱有惠績
遷山西按察副使備兵昌平以伉直齟齬調簡乞
歸代蕭經濟宏博不盡其用雅尙著述有詩文行
世今祀鄉賢

鄭際明字宇泰萬曆戊子舉人初授清河知縣刑清

政簡士民安之遷知山西澤州時藩府強宗凌虐
百姓有司莫敢誰何際明獨與之抗民賴以安後
遷太原府同知以養親乞歸卒于里澤人祀之名
宦

宋沾字承恩父暘有隱德見別傳沾舉萬曆辛卯鄉
薦私居不苟訾笑從不以尺牘干有司任山東福
山知縣爲政不喜刑名刻覆之術以寬簡治事而
民自服之維時權曠之使四出邑歲徵鉅萬民不
能支沾出見一嫗携一孺子狀甚窘訊其所苦嫗

曰正苦權稅耳沾爲代給其逋曰使者肆虐于邑
令不能請減實痛于心因力請上官而稅爲稍減
沾煦育小民恐傷而姦吏舞文肆虐者法繩之不
少貸以疾卒于官福人如喪考妣及喪車發士民
遠送數百里外後以子權仕至少保大學士贈如
其官今祀名宦鄉賢

劉廣譽字省立少以孝行聞萬曆辛卯舉于鄉授山
東金鄉知縣邑近河多水患廣譽修築隄防民懷
其利值數月不雨人情洶洶廣譽刺血焚疏禱天

甘霖立至四野乂安治邑惠政頗多民至今歌思之

李瀚萬曆辛卯舉人初授山東利津知縣邑界海濱民貧土瘠時徭役煩重瀚殫心經理使民無擾邑爲立興除碑去思堂以志績遷江西袁州府同知尋致仕歸里屢舉鄉飲大賓後奉恩詔晉階朝列大夫今祀鄉賢

朱國慶字貞所萬曆癸卯舉人性狷介鄉居杜門琴書外澹如也二十餘年不以寸牘干當事邑人咸

重之初授廣平府推官治獄明允公恕多所平反尤雅意作人置學田三頃養士暇則與郡士考核文藝一時成就者甚衆郡人勒石紀德遷工部主事告歸以壬午闖賊破城殉難

田珍字于聘萬曆庚戌進士初授山東冠縣知縣時邑大饑盜賊掠人珍設法賑卹民賴以安用法嚴明姦吏豪強斂手惴惴政暇課士子正文體巡方舉循良第一擢山東道監察御史巡按江右正身率屬一道凜然效古常平倉積穀三萬石備賑時

值江水暴湧壞民廬舍珍令築長堤二百餘里濱江之民獲安堵焉尋改巡兩浙漕政珍疏通有法得羨餘七萬餘金輸之官帑用佐軍儲升大理寺寺丞侃侃執法稱廷尉之良歷左右少卿晉南道政使代攝南戶部督儲侍郎卒于官賜祭塋贈工部侍郎今祀鄉賢

常維翰字子羽萬曆丙午舉人八上春官不第就選得保定令邑褊小政尙簡靜吏民安之旣滿當遷其姻婭有在都居大位者欲爲之道地維翰不應

量移東平知州旣至值民饑開倉賑焉上官督催科歎曰吾民今賣妻子保性命尙可復催科哉然停賦則病國吾願輸家財抵之乃盡鬻其田廬得二萬金以償猶不足遂坐謫其姻婭之居大位者復欲爲之道地維翰曰吾向有家財故可仕今無矣尙可仕耶堅不復出維翰守東平日有中貴過州勢張甚前路守令皆起居拜跪厚有所饋遺維翰獨閉閣不與通更禁其尉不令出尉叩頭請維翰卒不許人稱其介云

王杼字雲襄萬曆己未進士初授山東壽光知縣有
賢聲分校鄉闈得人爲盛擢吏部主事遷員外乞
歸里居十年起補稽勲員外調文選典銓政清執
不阿權要爲時宰薛國觀所惡謫應天府簡轅以
卒

楊名時字懷南萬曆癸丑進士授山東新城知縣
城多貴勢豪族魚肉鄉里名時執法禽治貴豪
跡聞左獲安以文望分校鄉闈甄拔多名俊請
安賑災荒蠲苦役惠政孔多遷南京戶部主事

以治行循卓擬選臺省未行而卒今祀鄉賢

許世蓋字佩苑天啟壬戌進士初授真定府推官時
奄人魏忠賢權傾中外已殺都憲楊漣僉憲左光
斗下舊冢臣趙南星于郡獄撫按命世蓋讞之魏
遣人屬曰但酷拷南星八座可立致也世蓋曰殺
人媚人有人心者所不爲而令世蓋爲之何以見
魯衛之士乎卒不加刑崇禎初魏奄誅入爲戶科
給事中累官至戶部右侍郎

曹心明字五宿崇禎辛未進士初授戶部主事出典

晉闈掄衛周祚爲解首歷員外郎中出知陝西西
安府理煩治劇以廉能著遷陝西監軍道副使時
閣部楊嗣昌以心明有才望徵取入蜀監勦冠軍
卒于梓潼縣人 本朝心明所取解首衛累官至
少師大學士兩秉鈞衡爲一時賢輔人益稱心明
之能知人而心明本爲人廉介居官亦盡瘁王事
邑人是以祀之鄉賢

本朝

侯方夏字赤社祖執蒲父恂見前傳方夏登順治丙

戌進士授陝西平涼知縣平涼值明季寇燹之後
四野荒蕪巷無居人方夏在任六載招徠撫字窮
極心力民賦積欠至數千金方夏代爲補輸鬻產
幾盡擢刑部湖廣司主事歷員外郎中奉差恤刑
浙江多所平反以勞瘁卒于官篋中無一鏹之積
台州司李王階釀金以殮方夏自幼茹素雖生長
華閥而布衣淡食無異寒峻性至孝父恂爲溫體
仁所構下獄論辟長繫七年方夏百方營救不能
得聞宜興復相徒跣走江南遇相舟于維揚囚首

垢面而伏于河干者十餘日相異之召問乃知爲侯尚書子心憐之及入都恂得釋相傳爲宜與相有力而亦方夏誠孝所感

李目字木千一字腹公順治丁亥進士改翰林庶吉士遷編修歷中允諭德弘文院侍講以病乞休年八十卒目少風流放誕善吹洞簫少與賈開宗張渭遊人多號爲狂士解官里居益以詩酒自娛爲人坦懷大度絕無町畦而義所不可則絕之甚嚴里人稱其不援同年酷吏武纘緒獄及拒故人子

賂二事最著

曹大生字長仁父鍾慶明天啟甲子舉人少有文名歷仕州縣著惠績大生素勵學行在庠序有聲乙酉學使者特選以貢于廷授江南鳳陽府通判其職專理正陽關商稅稅司吏弊叢雜耗羨浮于正供大生至悉革除之歲省商貲數千緡遠近頌德值正陽大旱大生齋沐步禱甘霖立沛禾苗獲甦民甚異焉鳳陽守闕當事以大生廉能令攝守事大生勤而不擾郡稱治適時當歲試大生親衡文

藝甄拔孤寒不徇請托其前茅者學使多拔置膠庠一時曹別駕公明之譽翕然于十八邑又攝穎壽二州及懷遠縣治皆如郡當四輔枋國之時功令旣束濕而江南之賦額款目如亂絲一條註誤雖百條及額弗貸也大生偶以督徵顏料不及議鏤級大生曰我本書生吏事非所諳以薄謫得賦遂初正我願也雖旋賠補牽復而解組之志不可遏矣旣歸讀書課農杜門不與外事後有郡守陳相文者大生同年友下車輒以利弊相訪大生嘆曰教養者爲政之本學校教士之地也今已鞠爲茂草遑問他事乎相文悚然遂募貲數千金請大生督修大生亦捐鏹相助今宮墻輪奐大生之功爲多性好施予歲稔必出粟活饑者而周恤三黨稠疊不厭至今郡人稱士大夫之好行其德于鄉者必屈指大生云

李培茂字天棟父榦長辛卯鄉試副榜有學行培茂少工文登甲辰進士授山東莘縣知縣治尙清簡綽有賢聲遷江南高郵知州州極衝疲而地處漼

下一遇水災四野悉沉波底培茂請捐請賑者無
虛歲民賴稍蘇以憂去位郵民如失慈母起補雲
南陸涼州清逆產逋稅免協濟人夫爲民除大害
人立生祠至于捐完萃民以貧負約之婚堅卻羅
平土目千金之餽尤其政績之表表者年七十餘
卒

宋炘字子昭大學士權子也以父廕除中書科舍人
遷吏部稽勲主事改戶部監督大通橋轉本部員
外出權蕪湖關稅潔已奉公商民感頌晉工部虞

衡郎中假歸卒炘性淳朴質直落落寡交而獨與
新城王士禎德州謝重輝友善常曰二子知我心
洞如重門我亦知二子心如清風白月也在部論
事侃侃直言無所隱避蔚州魏象樞佐司農時尤
信重之

劉麟趾字公振少能文京口張九徵督學中州拔置
第一踰冠遂聯登進士任福建永安知縣課最擢
爲戶部主事歷員外轉禮部主客郎中出知廣西
桂林府調慶遠以誑誤鑄秩麟趾治郡邑政尙清

簡勸農興學薄稅輕徭不求赫赫名而所至有惠澤民多尸祝之爲人恭謹儉約旣免歸里居數年布袍徒步遇田夫野老亦恂恂退讓毫無貴倨之色不識者不辨其爲二千石也負才早休邁疾不起時論惜之

宋基字維德少有文譽以諸生貢入太學選爲中翰外遷保定府同知敏于吏事時廷議令直撫於密雲建倉庾數百楹貯粟餉邊因命基督造估計木石纖鉅悉當不匝月而工竣民不知役大吏益賢

令攝南宮事以勤廉稱而治獄理訟明允如神先是邑中里社行市每易一令例有費千緡悉入私橐而署官徵之尤劇基至悉罷之吏白曰此故事也烏可不取基曰爾祇知官以取費爲故事爾豈知我以不取費爲故事耶吏皆歎息而退又邑西八村罹水災基代貧民償逋賦亦千餘緡民立石頌德再攝博野事治如南宮尋以勞瘁遽歿兩邑哭之者數千人請祀名宦基宰相之孫開府之子而平居清儉如寒士尤人所難

劉動字友山貢士爲人敦厚朴誠初任武安教諭訓士先行誼而後文學時有兄弟構訟者動召諸生集明倫堂而以訟者立堂下曉之以天性骨肉勉之以孝弟大義詞指諄懇言出涕隨訟者伏地痛哭深自悔艾願式好如初踰年士風大變遷浙江慈谿知縣縣刁劇難治動鎮以廉靜民亦悅服值有車供大役例應徵之里甲動取帑羨辦之不以累民吏曰帑羨貯以餽上官豈可作公事費耶動不聽卒以是失當路歡竟罷歸

儒林

漢梁宋間多經術士而其人皆貴以仕顯然其學在通經舉其平生所重者亦祇曰儒林而已矣後之所續雖非專門名家而亦經明行修者未可槩以兔園夫子目之

漢

丁寬梁人爲梁孝王將軍拒吳楚號丁將軍初授易于田何及東歸何謂人曰吾易東矣作易說三萬言授同郡田王孫王孫授施讐孟喜梁邱賀由是

易有施孟梁邱之學

焦延壽名貢以字行梁人初從孟喜傳易貧賤好學
爲郡吏察舉補小黃令以先知姦賊愛養吏民舉
最當遷三老官屬上書願留貢有詔許增秩留所
著大易通變其卦總四千九十六題

夏恭蒙人習韓詩孟氏易講授門徒常千餘人新莽
末盜賊從橫恭以恩信爲衆所推擁兵固守蒙賴
保全光武卽位召拜郎中再遷太山都尉和集百
姓得其歡心所著賦頌詩凡二十四篇卒謚曰宣

明君子牙習家業舉孝廉早卒人號文德先生

桓榮字春卿本齊桓公後遷于沛之龍亢遂爲龍亢
人少學長安習歐陽尙書事博士九江朱普貧窶
無資常客傭以自給精力不倦十五年不窺家園
至王莽篡位乃歸朱普卒榮奔喪九江負土成墳
因留教授徒衆數百人莽敗天下大亂榮抱其經
書與弟子逃匿山谷雖常饑困而講論不輟建武
十九年年六十餘始辟大司徒府時顯宗始立爲
皇太子選求明經侍太子講說榮弟子虎賁中郎

將何湯荐榮帝召榮說尙書甚善之拜議郎入授
皇太子經每朝會輒令榮於公卿前敷奏經書帝
稱善曰得生幾晚遂拜爲博士每車駕幸太學會
諸儒論難于前榮温恭蘊藉諸儒莫之及日見敬
厚擢太子少傅賜以輜車乘馬榮大會諸生陳其
車馬印綬于前曰今日所蒙稽古之力也可不勉
哉拜太常明帝卽位尊以師禮帝嘗幸太常府令
榮東面坐設几杖會百官及榮門生數百人天子
親自執業又三雍成拜榮爲五更每大射養老禮
畢帝輒引榮及弟子升堂執經自爲下說乃封榮
關內侯及卒帝親自變服臨喪送葬賜塚塋于首
山之陽子郁嗣

郁字仲恩少以父任爲郎傳父業以尙書教授門
徒常數百人榮卒郁當襲爵上書讓于兄子汎明
帝不許不得已受封悉以租入與之帝以郁先師
子有禮讓甚見親厚稍遷侍中帝自制五家要說
章句令郁校定永平末入授皇太子經數進忠言
多見納錄永元四年代丁鴻爲太常明年卒初榮

商邱縣志 卷之九
授朱普學章句四十萬言郁復刪省成十二萬言
由是有桓君大小太常章句云郁六子普延焉俊
酆良普嗣爵焉能世其家學

焉字叔元少以父任爲郎明經薦行有名稱永初
元年入授安帝經三遷爲侍中步兵校尉順帝立
爲皇太子以焉爲太子少傅尋遷太子太傅順帝
卽位拜太傅並錄尙書事復入授經禁中進封陽
平侯固讓不受後歷太尉卒于家弟子傳業者數
百人黃瓊楊賜其最著者焉兄酆子麟

麟字元鳳早有材慧桓帝初爲議郎侍議禁中
直道恬左右出爲許令病免會母終麟不勝喪未
祥而卒所著碑誄讚說書凡二十一篇子彬

王彬字彥林少與蔡邕齊名初舉孝廉拜尙書郎時
中常侍曹節壻馮方亦爲郎彬厲志操與左丞劉
歆右丞杜希同交善未嘗與方共酒食之會方深
怨之遂章言彬等爲酒黨免官禁錮光和元年卒
曹子家年四十六諸儒莫不傷之所著七說及書凡
六三篇蔡邕嘗論序之

宋

曹誠應天府人大中祥符間於戚同文舊居旁造舍百餘區聚書數千卷延生徒講習甚盛有司以聞詔賜額應天書院命綸子舜賓主之署誠府助教

明

王國禎字嵩河萬曆丙午舉人自幼潛心理學會豐城徐卽登以藩叅備兵睢陳講陽明之學著明宗錄弟子從之者千餘人能知行合一者羣推國禎爲首

本朝

徐隣唐字邇黃本金陵人大父某儒官宦于宋遂家商邱少穎敏而蕩軼不羈旣乃折節讀書動止一循禮法餼於庠侯方域賈開宗輩重其文與之結六子社聲望鵲起門弟子日益進久乃嘆曰人生一世自有安身立命之所何斤斤以文藝爲悉謝去求性命之學久而有得刊華落藻形若木雞望而知爲有道之器晚號我庵自作我庵傳學者又輯其問答之言爲我庵語略以需次應貢禮部竟

不赴試年七十卒子健家貧門人陳宗石爲之助
資入太學其時又有李度者通經善文爲諸生中
大師都講嘗署其庭曰拙愚有性生難改機變無
心老益疎子匡因以拙存顏其堂名人題咏甚多
六文苑
梁爲枚馬舊遊流風餘韻照耀邦土歷千餘載而
曼卿始以文豪又七百餘年而朝宗出駸駸乎駕
曼卿上矣才難之嘆今古如斯則夫高文典冊蔚
爲國華較之太常紀烈者尤艱奈何以文士忽之

唐

崔曙宋城人有文學開元二十六年登第殷璠稱其
詩爲言辭欵要情興悲涼送別登樓俱堪下淚曙
初舉進士試明堂火珠詩云正位開重屋中天出
火珠夜來雙月合曙後一星孤天淨光難滅雲深
望欲無還將聖明代寶國在京都曙以是詩得名
明年卒唯一女名星星始悟其識也

宋

石延年字曼卿宋城人爲人跌宕任氣節爲文勁捷

尤工于詩累舉進士不第真宗推恩錄三舉進士
者以爲三班奉職延年耻不就張知白謂之曰母
老乃擇祿耶延年不得已就命後以右班殿直改
太常寺太祝知金鄉縣有治名久之爲秘閣校理
遷太子中允判登聞鼓院嘗上言天下不識戰三
十餘年請爲二邊備不報及元昊反始思其言召
見稍用其說命往籍河東鄉兵凡得十數萬邊將
遂欲以扞賊延年笑曰此得吾粗也夫不教之兵
勇怯相半若怯者見敵而動則勇者亦潰矣今旣
不暇教宜募其敢行者則人人皆勝兵也又嘗請
募人使哨廝羅及回鶻舉兵攻元昊帝嘉納之延
年嗜酒其酣放若不可撻以世務然與人論天下
事是非無不當者初與天章閣待制吳遵路同使
河東及卒遵路言于朝特官其一子

明

李嵩字子中嘉靖戊戌進士授中書科舍人歷兵部
主事員外仕至山東按察司副使俊才博學與成
都楊慎吳郡王世貞武昌吳國倫諸公友善共相

倡和有前渠集行世時歸德新以州改郡嵩慮文
獻遺闕創修郡志惜兵燹之後舊本無傳子言恭
亦能文所著有爾雅堂集

劉格字念劬家饒于財郡西南有田十萬畝少以文
學爲邑令姚體乾所知舉萬曆丁酉鄉薦是時文
體詭異格獨篤好先正從南儀部黃汝亨馬元調
輩學屢上公車不第人或謂之格格弗顧也嘗延新
中名士宋鳳翔至家讀書教其子伯愚及甥吳伯
裔伯徹崇雅黜浮其後皆以古學名世宋中後起

能習龍門扶風昌黎柳州諸家言格之力爲多亦
好爲詩所著有淑少陵初言數卷子伯愚

伯愚字干之幼穎異讀書過目不忘同學有就質
所遺者爲之誦終卷無一字訛明末文體益詭譎
支離而伯愚守其家學力追先正一時雪苑有吳
侯徐劉之目亦皆高自標置與江左復社諸公相
應和晚斷葷血城陷投井死所著文多燬于兵亂
後其子德培搜存者冉覲祖徐作肅序而刻之德
培字篤甫亦有文望

吳伯裔字讓伯少孤貧與弟徹俱依其舅劉格格饒于財數以千金推伯裔且延名師教之于是淹通古今爲人沉練英博慷慨負大志文章原本經術歸之大家每高自稱許簡貴不交時人獨與侯方鎮方域賈開宗劉伯愚張渭爲莫逆交江左諸名士目爲吳侯徐劉者蓋伯裔也崇禎丙子舉于鄉壬午城陷有同年生孔尙達見伯裔死時目視已而色不撓弟伯徹

伯徹字延仲風流文雅美鬚眉爲文溫麗悉合矩度崇禎乙亥貢于廷有中貴人聞其名齎金求作粧樓記却不納壬午城破有人見兩賊以伯徹爲官執之伯徹厲聲曰汝以我爲官誠誤卽非官豈從汝作賊耶兩賊疾驅之去不知所終

徐作霖字霖蒼徐永達之後父正顏官棗陽教諭有學行七舉鄉飲大賓作霖少有雋才入貲爲諸生好學深思爲文奇麗崇禎庚午舉鄉試第一出萬元吉之門甲戌對策言劇賊孔棘國勢殆矣天子不可不及時收人心若崇苛深相責以文法恐天

下遂亂同考官傅冠得之示文震孟相與嗟賞謂
主父偃嚴安不能過也因署上第温體仁見而惡
之卒斥去庚辰再上春官復不第乃發憤曰天下
亂形成矣無英雄救之必敗我輩皆不見用奈何
此爲國家惜非區區身家計也閱二歲壬午城陷
死于兵無後從子纘武字延烈太學生有文行亦
以城破殉節

本朝

賈開宗字靜子少不羈日與里中少年伍間讀書爲

文奇逸舉茂才第一負才益放縱不事生業破產

葬其妻提學使者陳騰鳳欲以充饒縣官聞語郡

守鄭三俊開宗聞之曰我當不日爲卿相何至沾

沾升斗耶太原孫傳庭知縣事下車引見極重之

閱數歲東平侯劉澤清鎮淮陰奏爲翰林院孔目

掌書記開宗察其有異趣不就職以白衣從軍因

事調護焉乙酉澤清自海道來降乃辭歸凡七應

舉不第作歌曰自從廿載落魄餘不信天上有奎

宿盡焚其所讀書靜坐冥思與侯方域輩往復論

辨又幾十年卒軌于正旣老追憶少年遊京洛述
帝都君德相術三篇走泰岱觀日出述山靈地勢
二篇星象占緯兵食圖籍各有論說年七十餘卒
有遡園集若干卷今失傳

侯方域字朝宗生有異質讀書數行下雖廣座中五
官互用而神明不分家世清流門閥貴顯幼隨父
宦京邸習知中朝事而於君子小人門戶始終之
故尤熟悉喜結納賢豪與貴池吳應箕宜興陳貞
慧尤交善常論議國家大事分別流品激昂

一時比之元禮孟博遊南都時奄兒阮大鍼屏居
金陵謀起用吳陳諸名士共爲檄檄其罪大鍼患
之謂方域善吳陳密使其客交歡方域欲因方域
以通吳陳方域峻拒之且于大會中唾罵不絕大
鍼大恚怒銜此三人者次骨南都建大鍼驟枋政
興大獄將盡殺黨人捕方域急匿高傑軍中得免
方域爲舉業有盛名崇禎己卯己舉南雍第三人
以策諳觸忌諱而放本朝順治辛卯復舉豫省
第一及揭榜主司中忌者蜚語復抑置副卷方域

負經世大畧任俠好士與人一言之合輒出肺肝常不吝千金以振友之乏有平原信陵之遺風旣不得志益肆力于古學有明百餘年來文士汨沒于北地信陽之說而矯之者復趨于淺陋晦冥文日以敝方域獨以韓歐爲宗欲與之馳騁下上而其才足以副之文之恢奇雄健中州數百年以來一人而已卒年僅三十有七所著壯悔堂集久已行世而宋中丞復刻之吳中與長洲汪琬甯都魏禧合爲一集學者稱爲本朝三大家其叔怵從

叔愔並以文名

怵初名勰字輔之太常執蒲第三子少溫恭好學以太常蔭曹入南雍才名籍甚明末與兄尙書恂避亂江南時從子方域方嬰鈞黨之禍緹騎捕方域不獲而縶怵以去抵金陵得竄免後北還復入諸生籍甲午貢入京師不樂仕進與里中賈開宗輩爲文酒之會浮湛里閭于世味泊如也怵寬厚長者平生無疾言遽色而年不中壽人共惜之愔字若思光祿卿執躬從子有明之季侯氏家門

鼎盛世籍華廡而情獨恬澹儉約固不以輕肥自處而亦絕無名士叫囂之習爲文靜穆淵秀一如其人情與方域雖再從叔姪而兩家內子實親女兄弟故譚邢之交睦于咸籍里中謂方域如干將莫耶難與爭鋒情如渾金璞玉不露斧鑿人以爲篤論

徐作肅字恭士解元作霖之弟幼受學於其兄及長有文名與侯賈輩交善能詩善書爲人落落穆穆矜重自持舉辛卯鄉薦不仕卒其從子世琛字來

玉有文名亦與侯賈諸人爲社友後以明經任上蔡訓導

劉榛字山蔚少孤依姊夫侯忭居忭爲之延師授學長而問業于鄉先生徐隣唐益刻勵爲文終日坐一齋口吟手書雖沍寒盛暑不輟宋中丞犖極重之著述頗富今有虛直堂集行世

宋炘字介子大學士權季子少負雋才喜詞賦好交遊吐納風流翩翩自喜而爲人謙和恭謹初無貴介矜倨之習平生工於詩古勁幽折有王孟遺意

兼擅丹青雲山一角落筆清遠所謂夙世詞客前
身畫師者庶幾近之以胄監登京國賢書未幾遽
殉人共惜焉

正序文各亦與列賢諸人欲採其遺以切於世
正序文各亦與列賢諸人欲採其遺以切於世
正序文各亦與列賢諸人欲採其遺以切於世
正序文各亦與列賢諸人欲採其遺以切於世
正序文各亦與列賢諸人欲採其遺以切於世

HARVARD COLLEGE LIBRARY
FROM THE
HARVARD-YENCHING
INSTITUTE

SEP 30 1929